

# Radunanza generala dalla GiuRu, venderde igls 10-03-2023, Coira

preschaintAs: 10, stgisas: 1

## 1. Bavegna

Naomi Arpagaus scumainza la radunanza e beneventescha tot igls preschaints.

## 2. Elecziun d'en dombravouschs

Naomi Arpagaus propona Nando Cathomas scu dombravouschs, tots èn ancletgs.

## 3. Approvaziun dalla glista da tractandas

La glista da tractandas vign approvada unanimamaintg.

## 4. Approvaziun digl protocol dalla RG 2022

Igl protocol vign approvo unanimamaintg.

## 5. Rapport annual 2022 e prevista 2023

Naomi rachinta tge tgi la GiuRu ò fatg durant igl 2022: radunanza generala cun scusalada, seira da Troccas a Laax, 3 scuntradas cumadevlas a Berna, Turitg ed a Coira, scuntradas internaziunalas cun la Youth of European Nationalities (YEN), regalo antradas digls deis da litteratura a Domat, puspe savia sustigneur blers projects rumantschs da musica, teater, art e cultura an general, dus visetas alla scola cantunala Coira.

Leta daclera agls preschaints ed allas preschaintas tge tgi igls "zulprins" èn.

Pigl onn 2023 propona Maurus da tigneur igls zulprins, las scuntradas cumadevlas, las scuntradas internaziunalas, igls divers sustigns, las visetas ainten scolas. Da nov propona el en newsletter. Pinavant propona el er da tigneur la gruppa da labour da social media ed el exprima igl sies giaveisch d'aveir da nov ensatge scu ena gruppa da labour da cultura e da sviluppar la gruppa da labour tgi mantigna igls contacts tranter las uniuns da giuventetna dalla Rumantscheia.

Angelica, Maurus e Naomi explitgeschan las scuntradas internaziunalas e la YEN.

Naomi mossa tge sustigns finansials tgi la GiuRu ò do igl 2022.

## 6. Rendachint 2022 e preventiv 2023

Leta Arpagaus preschainta igl rendachint 2022, igl qual vign approvo unanimamaintg.

Leta Arpagaus preschainta igl preventiv 2023, igl qual vign approvo unanimamaintg.

## **7. Elecziuns e reelecziuns**

Naomi Arpagaus demissiunescha scu presidenta, Maurus Bundi demissiunescha scu vicepresidente, Angelica Augustin demissiunescha scu actura e Swen Gaberthuel demissiunescha scu revisour.

Urezza Famos, co-presidenta dalla Lia Rumantscha, propona da midar igl setting digl “model suprastanza”. Ella propona da far pitost projects, cun ena organisaziun centralisada. Ella dei tgi er otras uniuns affiliadas dalla Lia Rumantscha vegian problems da cattar commembers e commembras per la suprastanza.

Maurus sa metta a disposiziun scu nov revisour, per cass tgi ensatgi surpigless igl post digl vicepresidente.

Siva lungs discours propona la suprastanza da far ena radunanza extraordinaria cun angal igl punct dad elecziuns e reelecziuns, chella proposta vign approvada dad 8 persungas, ensatgi dei na ed ensatgi sa retigna.

## **8. Varia**

I vign discuto schi la GiuRu voglia organisar igl seminari da Pasca 2024 dalla YEN (an pe digl seminari da kick-off, scu chegl tg'era sto previa). Chel tema pertotga surtot la suprastanza, damai decida la suprastanza unanimamaintg tgi la GiuRu organisescha betg igl seminari da Pasca 2024.

*L'actura*

*Angelica Augustin*